

Fundargerð

**Stjórn VJP - 111. fundur stjórnar VJP haldinn Klappastíg 25-27 2.hæð,
3. nóvember 2017, kl. 12:30.**

Fundinn sátu:

Björn Ingi Jónsson aðalmaður, Ármann Höskuldsson formaður, Guðrún Áslaug Jónsdóttir varaformaður, Ásta Berghildur Ólafsdóttir aðalmaður, Snorri Ingimarsson fulltrúi útivistarféлага, Sigmundur Einarsson fulltrúi náttúruverndarsamtaka, Óli Halldórsson aðalmaður og Halldór Þórður Ólafsson embættismaður.

Fundargerð ritaði: Björn Ingi Jónsson, Stjórnarmaður.

1. Reglur stjórnar - 1709005

lagðar fram öðru sinni eftir umræður frá síðasta stjórnarfundum nr 110.

Umræður um hlutverk stjórnar og hvernig málmeðferð stjórnar er varðandi tillögur um stjórnunar- og verndaráætlun.

Stjórn samþykkir framlögð drög að reglum stjórnar og felur framkvæmdastjóra að auglýsa í B-deild Stjórnartíðinda.

2. Reglugerð um Vatnajökulsþjóðgarð - 1709004

Farið yfir drög að reglugerðarbreytingu á reglugerð nr. 608/2008. Breytingin á reglugerðinni snýr að gerð samninga við rekstraraðila innan þjóðgarðs. Farið yfir athugasemdir frá þjóðgarðsvörðum og svæðisráði austursvæðis.

Stjórn telur að tillögur varðandi dróna þarfnist frekari skoðunar áður en þær fara inn í reglugerð. Tekið er undir orðalagsbreytingar varðandi skilgreiningar á atvinnutengdri starfsemi. Þjóðgarðsvörður ber ábyrgð á eftirliti með aðilum sem reka atvinnutengda starfsemi innan þjóðgarðsins en getur falið starfsmönnum sínum þá vinnu.

Stjórn felur framkvæmdastjóra að koma athugasemdum stjórnar á reglugerðarbreytingu til umhverfis- og auðlindaráðuneyti.

3. Reglugerð: gjaldtaka í þjóðgarðinum - 1710002

Gestir

Valbjörn Steingrímsson fjármálastjóri - 13:40

Tillaga að breytingu á reglugerð 727 2017 um gjaldtöku vegna tjaldvæða og þjónustu í Vatnajökulsþjóðgarði. Fjármálastjóri fór yfir samskiptin við SAF, lögfræðinga þjóðgarðsins og útskýrði tillögur að breytingu á reglugerðinni. Lagt er til að í stað þess að í reglugerð er gert ráð fyrir að innheimta 1.000 krónur fyrir hvern einstakling sem fer í íshellaferð. Breytingatillagan leggur til að innheimt verði 600 krónur fyrir fullorðinn og 300 krónur fyrir börn á aldrinum 13 til 16 ára. Yngri en 13 ára greiða ekkert gjald. Gjaldi verði innheimt af rekstraraðilum sem fara í skipulagðar ferðir inn í Vatnajökulsþjóðgarðinn svo sem íshella, jökлагöngur og aðrar skipulagðar ferðir. Upphaf gjaldtöku yrði frá og með 1.

janúar 2018.

Stjórn samþykkir framlagða tillögu að breytingu á reglugerðinni.

Drög að samningi við rekstraraðila lagðir fram til kynningar. Starfsmönnum falið að vinna áfram að málinu.

4. Fjárhagsáætlun 2018 - 1709002

Gestir

Valbjörn Steingrímsson fjármálastjóri - 14:40

Farið yfir drög að rekstraráætlun ársins 2018 út frá drögum að Fjárlögum. ljóst er að umtalsvert vantar í fjárheimildir sem fram koma í drögum að fjárlögum 2018. Ekki er gert ráð fyrir viðbótarlandvarðarvikum sem fengust fjármunir til um mitt ár 2017. Einnig er ekki gert ráð fyrir viðbótarkostnaði sem hlýst af stækkun þjóðgarðsins á suðursvæði. Stjórn telur ljóst að ef ekki verða auknar fjárheimildir sem nemur rekstrarkostnaði við þessa þætti muni þurfa að koma til verulegs niðurskurðar víða á svæðum þjóðgarðsins. Stjórn felur framkvæmdastjóra, fjármálastjóra og svæðisráðum viðkomandi svæða að fara yfir reksturinn árið 2017.

5. Vonarskarð - 1709013

Formaður upplýsti um stöðu mála hann hefur óskað eftir lögfræðilíti á bréfi umhverfis- og auðlindaráðherra með stjórn- og verndaráætlun 2013.

Snorri Ingimarsson óskar eftir að bókað verði að hann fékk ekki tölvupóst þar sem ákvörðun um dagsetningu fundar var tilkynnt með tölvupósti og gerir við það alvarlegar athugasemdir. Það er algjört lágmark að valdamikil stofnun á borð við Vatnajökulspjóðgarð virði slík grundvallaratriði í stjórnsýslu.
Fundi slitið kl. 15:45.